



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Vacatione, Amissione, Et Extinctione Beneficiorvm ...

Leuren, Peter

Coloniæ Agrippinæ, 1704

793. Coram quibus facienda publicatio.

[urn:nbn:de:hbz:466:1-74494](https://nbn-resolving.org/urn:nbn:de:hbz:466:1-74494)

obligatus fuerit publicare solum in Ecclesia illa Abbatiali. Quod si etiam Ecclesia, in qua aliis facienda publicatio, tutum non habet accessum, ob pestem, bella, aliave manifesta pericula, facienda est in proxima Parochiali ab istis periculis immuni. Castrop. Ventrigl. *ll. cit.* Ac denique, si beneficium ad nullam diocesim spectat, sufficit fieri publicationem dumtaxat in Ecclesia, in qua situm. Castrop. Azor. *ll. cit.* aut, ut Paris. *loc. cit. num. 10.* in Ecclesia aliqua, si sit, cui immediate subiacet. Quae tamen intelligenda, ut recte *ibidem* Paris. ut Ecclesia illa habeat Curam animarum & populum, sive ut soleat, possitque ibi convenire multitudo ad missarum solemnia, ut ratio Constitutionis locum habeat, & Resignatio innotescere possit.

3. Respondeo tertio: Quamvis non videatur satisfieri Constitutioni quod ad hoc punctum, si in porta, vel in porticu Ecclesiae, dum in ea celebrantur missarum solemnia, fieret haec publicatio; ed quod Constitutio dicat: in beneficii Ecclesia, & Cathedrali, dictio autem in importet & exigit intrinsecitatem, ut Bartol. Bald. & alii in *l. Gallus, §. ille casus ff. de posthum.* & Felin. in *c. tertio loco de praesump.* Card. Paris. *conf. 166. à num. 22. vol. 4.* ubi: quod factum in porticu, seu ostio extra clausuram, vel scalis, non dicitur factum in domo: & alii apud Paris. *cit. q. 6. n. 19.* ubi etiam in hanc sententiam negativam inclinat, subjungit tamen *nu. 21.* Rotam in *Hippogeriensi, 16. Maii, 1588.* resolvisse contrarium. Rationem quoque addit; quod per talem publicationem resignatio adhuc satis innotescat, & sic satis obvietur fraudibus, adeoque satisfiat Constitutioni. *ac nu. 23.* concludit dicendo, tutius fore, publicationem facere intus Ecclesiam in aliquo loco apto, & sic se vidisse servari in praxi, ut fiat in corpore ipsius Ecclesiae. Sic faciendam ex Cathedra Ecclesiae, vel loco aliquo publico, ex quo omnes audire possint, ait Castrop. *loc. cit.*

Quaestio 793. Coram quibus facienda publicatio?

Respondeo: Coram frequente populo ad missarum solemnia, aliave divina, & praedicationem conveniente. Paris. *loc. cit. n. 13.* Hinc facta publicatio in Choro coram Capitulo seu Canonicis, & presbyteris dumtaxat est nulla. Paris. *nu. 18.* Ventrigl. *to. 2. annot. 4. §. 2. nu. 67.* Garc. *p. 11. c. 3. nu. 294.* prout resolutum in *Tarentina Canonizat. 12. Maii 1589.* Ratio est; quia videtur velle Papa, ut facta resignatio innotescat non solum Ecclesiasticis, sed etiam secularibus. Ventrigl. *loc. cit.*

Quaestio 794. Qualiter in hac publicatione opus sit literis Apostolicis, super resignatione, & provisione Resignatarii confectis, & earum exhibitione?

1. Respondeo primo: Quantumvis aliis circa Constitutionem Pii V. utpote in qua hoc non exprimebatur, resolverit Rota in *una Calaguriv. 10. Octob. 1580.* fieri posse hanc publicationem sine dictis literis. Paris. *cit. q. 6. n. 33.* hodie tamen, ob expressa verba Constitut. Gregorianae id fieri non posse, est manifestum. Paris. *ibid.* Garc. *p. 11. c. 3. n. 290.* juxta dicta à nobis supra.

2. Respondeo secundo: Opus est etiam dictarum literarum Originalium, aut earum transumpti authenticici (quale dicitur, quoties de verbo ad ver-

bum est facta exemplificatio legitime. Paris. *cit. q. 6. n. 36.* & idem est, quod copia. Paris. *n. 37.* juxta *gl. in l. 2. ff. de fide instrum.* Mascard. *de prob. conclus. 711. in principio,* & tunc probat sicut originale. Paris. *n. 38.* juxta eundem Mascard. *loc. cit. n. 17. & c.* exhibitione publicà in ipsa publicatione. Paris. *loc. cit. n. 32.* Ventrigl. *loc. cit. n. 60.* Castrop. *loc. cit. n. 12.* Et sic necessarium est, publicantem publicationem facere cum dictis literis, earumve transumpto authentico in manibus, Castrop. *loc. cit.* Paris. *cit. q. 6. nu. 43.* Neque sufficit, ut in publicatione narretur resignatio cum expeditione literarum, & data illarum, opus tamen non est, earundem literarum, seu Bullarum, seu transumpti lectione. Castrop. *loc. cit.* Paris. *na. 42.* sic resolutum dicens in *Cumens. Praepositura. 23. Maii. 1584.* cum satis authenticum sit, authenticam scripturam exhiberi, absque eo quod legatur. Paris. *cit. q. 6. n. 42.* citans Rebuff. in *pr. ad reg. de public. gl. 10.* Vitalin. in *Clem. causam. n. 22. de Elect.* sic Ventrigl. *loc. cit. n. 66.* ait, opus non esse, literas provisionis sive Papae, sive Ordinarii legere de verbo ad verbum, & per extensum, sed sufficere publicare summam dictarum literarum, & illarum transumptum authenticum exhibere: imò ait Castrop. nec opus esse legere datam dictarum literarum.

3. Nequaquam autem sufficit, publicationem fieri cum Scriptura authentica, in qua sit mentio de literarum expeditione; cum Constitutio requirat praecise literas, vel earum transumptum. Paris. *num. 44.* nisi tamen Scriptura illa authentica emanasset à Papa. Paris. *cit. nu. 44. & 45.* juxta decisi Rotae in *Monopolit. 26. Nov. 1587.* in qua dictum, publicationem fuisse validam, quam fecerat quis sine literis Apostolicis, cum Brevi tamen Apostolico, quod obtinuerat, & quo restituebatur adversus non publicationem. Porro Notario asserenti, se fecisse publicationem cum literis resignationis in manibus, est credendum, etiam si probeatur per praesumptiones, literas non potuisse tunc temporis esse in illo loco. Paris. *nu. 46.* juxta decisi Rotae in *Burgensi Canonizat. 31. Jan. 1586.* Secus tamen erit, ubi contrarium concludenter probaretur; ed quod tunc Notarius reddatur suspectus, & satis hoc casu constet de non publicatione. Paris. *n. 47.* juxta decisi Rotae in *Oxomens. Sibolastria. 9. Feb. 1590.*

Quaestio 795. Qualiter, & quid exprimentum in hac publicatione?

Respondeo primo: Clare ac intelligibili voce exprimentum est resignatio, & facta gratia, & qualitas beneficii, nomina & cognomina Resignantis & Resignatarii, ita ut haec omnia possint ad notitiam omnium ibi praesentium pervenire, v. g. dicat Notarius: Notum omnibus facio, quemadmodum Titius resignavit beneficium suum simplex constitutum in tali Ecclesia, vel curatum talis Ecclesia in manibus Papae, & de eo facta est gratia Caio, ut apparet ex literis, seu earum transumpto, quas, vel quod habeo in manibus. Castrop. *loc. cit.* Paris. *loc. cit. n. 49.* qui etiam *n. 50.* ait, optimum fore, haec omnia exprimi in instrumento publicationis. Quod si error factus est in nomine, vel cognomine Resignantis, dum ex aliis circumstantiis constat satis de persona, adhuc validam fore publicationem, ait Paris. *n. 53.* juxta quod resolutum à Rota in *Hippogeriensi. 1. Feb. 1588.* ed quod error in pronomine non vitiat, dum constat